

## **Coinníollacha ar leith maidir le Bannaí Dlúthpháirtíochta Náisiúnta** **(10 mbliana)**

### **Bannaí Dlúthpháirtíochta Náisiúnta (7ú Eisiúint) – Téarma 10 mbliana – Toradh Iomlán** **10%**

Arna eisiúint de bhun Alt 54 den Acht Airgeadais, 1970 arna leasú.

Baineann na Téarmaí agus Coinníollacha Ginearálta seo atá infheidhmithe le Táirgí Coigilteas Stáit áirithe a tháinig i bhfeidhm Dé Luain an 16 Eanáir 2018 le Bannaí Dlúthpháirtíochta Náisiúnta (10 mBliana) agus ionchorpraítear anseo iad trí thagairt.

#### **Forfheidhmiú agus Léirmhíniú**

Mura sainmhíneáir a mhalairt anseo, beidh an bhrí le téarmaí caipitlithe arna n-úsáid sna téarmaí agus coinníollacha seo a bhaineann le Bannaí Dlúthpháirtíochta Náisiúnta (10 mBliana)

(“Coinníollacha na mBannaí Dlúthpháirtíochta Náisiúnta (10 mBliana)”) a shanntar dóibh sna Téarmaí agus Coinníollacha Ginearálta.

I gcás coimhlinte nó doiléire idir na Téarmaí agus Coinníollacha Ginearálta agus Coinníollacha na mBannaí Dlúthpháirtíochta Náisiúnta (10 mBliana), beidh feidhm ag Coinníollacha na mBannaí Dlúthpháirtíochta Náisiúnta (10 mBliana).

Baineann Coinníollacha na mBannaí Dlúthpháirtíochta Náisiúnta (10 mBliana) seo leis an 7ú Eisiúint amháin agus tá siad éifeachtach ó Dé Domhnaigh an 24 Eanáir 2021.

I gCoinníollacha na mBannaí Dlúthpháirtíochta Náisiúnta (10 mBliana) seo:

Beidh an bhrí ag “**Bónas**” arna leagan amach i gcoinníoll 2 thíos.

Ciallaíonn “7ú Eisiúint” Bannaí Dlúthpháirtíochta Náisiúnta (10 mBliana) arna eisiúint Dé Domhnaigh an 24 Eanáir 2021 nó ina dhiaidh sin agus atá ar fáil lena gceannach go dtí go gcinneann an tAire Airgeadais, ag feidhmiú trí NTMA a mhalairt.

Ciallaíonn “**Dáta Aibíochta**” dáta cothrom lae deich mbliana ón Dáta Clárúcháin.

Ciallaíonn “**Téarma**” an tréimhse dar tús an Dáta Clárúcháin agus dar críoch an lá roimh an Dáta Aibíochta.

#### **1. Íos-sealúchais agus Uas-sealúchais sa 7ú Eisiúint**

1.1 Is ionann an t-íos-sealúchais sa 7ú Eisiúint ag aon am agus €50.

1.2 Faoi réir choinníoll 1.4, féadfaidh duine aonair Bannaí Dlúthpháirtíochta Náisiúnta (10 mBliana) sa 7ú Eisiúint a cheannach suas le luach comhiomlán €120,000, d’ainneoin an bhfuil na Bannaí Dlúthpháirtíochta Náisiúnta (10 mBliana) sin ag duine mar Shealbhóir aonair nó mar Chomhshealbhóir.

1.3 Níl aon teorainn ar Bhannaí Dlúthpháirtíochta Náisiúnta (10 mBliana) sa 7ú Eisiúint atá i seilbh mar thoradh ar:

- (a) aistriú chugat de réir choinníoll 17 (Bás Sealbhóra) de na Téarmaí agus Coinníollacha Ginearálta; agus/nó
- (b) infheistíocht a dhéanann tú le fáilais tráth aibíocht Táirgí eile.

1.4 Chun críocha combhailiú uas-sealúchais aon duine aonair sa 7ú Eisiúint a ríomh, cuirfear aon Bhannaí Dlúthpháirtíochta Náisiúnta (10 mBliana) i seilbh carthanais, comhlachta neamhchorpraithe náisiúnta (10 mBliana) sa 7ú Eisiúint a ceannaíodh cheana. Má shroicheann nó má sháraíonn duine a n-uasteorainn mar gheall ar an ríomh seo, ní ghlacfar le haon iarratas eile chun Bannaí Dlúthpháirtíochta Náisiúnta (10 mBliana) sa 7ú Eisiúint a cheannach.

1.5 Chun críocha uas-sealúchais comhiomlán Comhshealbhóra sa 7ú Eisiúint a ríomh, measfar go mbeidh codanna comhionanna de Phríomh-mhéid Bannaí Dlúthpháirtíochta Náisiúnta (10 mBliana) ag gach Comhshealbhóir agus roinnfear go cothrom é idir gach duine de na Comhshealbhóirí.

1.6 Chun críocha uas-sealúchais comhiomlán aon duine aonair sa 7ú Eisiúint a ríomh, ní cuirfear aon Bhannaí Dlúthpháirtíochta Náisiúnta (10 mBliana) i seilbh carthanais, comhlachta neamhchorpraithe nó cara-chumainn a bhfuil baint ag an duine aonair leo san áireamh agus ní áireofar é ach i ríomh na huasteorann sealúchais don charthanais, comhlacht neamhchorpraithe nó cara-chumainn sin.

#### **2. Íocaíocht Bónais**

2.1 Beidh bónas iniúchta ar Bhannaí Dlúthpháirtíochta Náisiúnta (10 mBliana) (“**Bónas**”), de réir an choinníoll seo, ar a luaithe díobh seo:

- (a) an Dáta Aibíochta, nó
- (b) dáta na Fuascaithe Luath.

2.2 I gcás go gcoinnítear iad go dtí deireadh an Téarma, is ionann méid iomlán an Bhónais iniúchta leat agus 10% den Phríomh-mhéid amháin an Dáta Aibíochta.

- 2.3 I gcás go bhfuasclaítear Bannaí Dlúthpháirtíochta Náisiúnta (10 mBliana) (ina n-iomláine nó i bpáirt) roimh chomóradh an chéad bhliain ón Dáta Clárúcháin, ríomhfar an Bónas iníochta chugat ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta ó Dháta an Chlárúcháin (san áireamh) go dtí dáta na Fuascailte Luath (nach bhfuil san áireamh).
- 2.4 I gcás go bhfuasclaítear Bannaí Dlúthpháirtíochta Náisiúnta (10 mBliana) (ina n-iomláine nó i bpáirt) ar chomóradh an chéad bhliain ón Dáta Clárúcháin nó ina dhiaidh, is é an Bónas iníochta chugat ag suim:
- (i) an méid a ríomhtar tríd an gcuid den Phríomhshuim atá á fuascailt, Céatadán de Bhónas Carnach Iomlán a thugtar le fios i dTábla 1 thíos don chothrom lae is déanaí den Dáta Clárúcháin; agus
  - (ii) méid ríofa ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta (más ann dóibh) ó (agus lena n-áirítear) dáta an chothrom lae is déanaí ón Dáta Clárúcháin chuig dáta na Fuascailte Luath (ach gan é a bheith sa áireamh).

**Tábla 1**

Comóradh Bliana an Dáta Clárúcháin a dtarlaíonn an fhuascailt air nó ina dhiaidh sin	1ú	2ú	3ú	4ú	5ú	6ú	7ú	8ú	9ú	10ú
Céatadán de Bhónas Carnach Iomlán	0.00%	0.00%	0.00%	0.25%	0.50%	0.70%	1.00%	3.00%	5.00%	10.00%
Sampla de thoradh (príomhshuim agus Ús) ar phríomhshuim €1,000	€1,000.00	€1,000.00	€1,000.00	€1,002.50	€1,005.00	€1,007.00	€1,010.00	€1,030.00	€1,050.00	€1,100.00

**SAMPLA** – Más ionann Príomh-mhéid Banna Dlúthpháirtíochta Náisiúnta (10 mBliana) agus €1,000 agus má fhuasclaítear é ina iomláine tar éis 4 bhliain agus 160 lá, is ionann an Bónas iníochta: €2.50 (agus Céatadán de Bhónas Carnach Iomlán 0.25% dlite ar an 4ú cothrom lae den Dáta Clárúcháin á chur i bhfeidhm); agus €0.00 (agus an ráta bliantúil 0.00% á chur i bhfeidhm ar an 160 lá ón 4ú cothrom lae den Dáta Clárúcháin chuig dáta na Fuascailte Luath (ach gan é a bheith san áireamh), a thabharfaidh Bónas Iomlán iníochta €2.50 agus toradh iomlán (Príomh-mhéid agus Bónas) €1,002.50.

### **3. Fógra maidir le Dáta Aibíochta**

- 3.1 Ar a laghad 10 Lá Gnó roimh an Dáta Aibíochta, déanfaimid teagmháil leat i scríbhinn:
- (a) chun tú a chur ar an eolas maidir leis an Dáta Aibíochta agus an t-iomlán iníochta leat; agus
  - (b) lena iarradh ort treoracha a thabhairt maidir le hiocaíocht na suime sin.
- 3.2 Coinneoidimid an t-iomlán iníochta leat go dtí go bhfaighimid treoracha. Ba cheart duit a thabhairt faoi deara, nach bhfabhróidh aon Bhónas ná méid eile i ndáil le Bannaí Dlúthpháirtíochta Náisiúnta (10 mBliana) sa 7ú Eisiúint ar an Dáta Aibíochta nó ina dhiaidh sin.

### **4. Cánachas**

- 4.1 Níl an Bónas faoi réir Cáin Choinneála ar Ús Taisce, agus tá sé díolmhaithe ó Cháin Ioncaim, Árachas Sóisialach Pá-Choibhneasa agus ón Muirear Sóisialta Uilíoch. Tá Bannaí Dlúthpháirtíochta Náisiúnta (10 mBliana) sa 7ú Eisiúint díolmhaithe ó Cháin Ghnóthachan Caipitiúil in Éirinn.
- 4.2 D'fhéadfadh dliteanais chánacha eile bheith agat ag brath ar do chúinsí áirithe. Mholfaimid dá bhri sin go rachaidh tú i gcomhairle le do Chomhairleoir Cánach.